

IVONIS EPISCOPI

CARNOTENSIS

EPISTOLÆ.



EIVSDEM CHRONICON DE
Regibus Francorum.



PARISIIS,

Apud Sebastianum Niellium, sub Ciconiis, via Jacobæa.

M. D. LXXXIIII.

CVM PRIVILEGIO REGIS.

de la Libreria

Ceñ Soc. 1239 Calm. ex dono Regum.





FR. IVRETUS P.

PITHOEO VC. S.



D ita natura comparatum est (Pithoee clariss.) vt parētum & liberorum similitudo magna sit. Nec enim liberi ore solo faciem suorum exscribunt, sed saepius etiam statum & conditionem proximè imitantur. Eadem ratio scriptorum videri potest, cùm libri sint liberi veriores, prolēsque animi longè certior. Nonnullis enim accidit auctoribus, vt cùm odiis ac iniuriis aliorum vexarentur, simul in eorum scripta saevitum fuerit, vt in suppliciis liberorum pietas patris torqueretur. Id autem cùm plurimorum exemplis confirmari possit, si tamen vnus Iuonis testimonio clarescat, satis erit, opinor. Et vellem ne tam inclementer Iuo exceptus fuisset, nec id claresceret. Ille quamdiu Pontifex Carnotensis, quia peccaret nihil, mul-



CHRONICON

IVONIS CARNOTENSIS DE
REGIBVS FRANCORVM.

Ex bibliotheca Papirij Massoni.

FRANCOS lingua Attica Valentinianus imperator à feritate & duritia atque audacia vocari voluit. qui post paululum cùm tributa Romanis negarent, & Romanorum impetum ferre non possent, egressi à Sicambria peruenere in extremos fines Rheni fluminis in Germanorum oppida: ibique aliquot annis cum principibus suis Marcomiro & Sunone resederunt. Vbi primùm regem Pharamundum sibi statuunt, legibusque se subdunt, quas primores eorū V visogastus, Arbogastus, Salegastus inuenerunt. Pharamundus Rex primus Francorum. Niceta Viennensis episcopus Iustus Lugdunensis episcopus relicto episcopatu in Ægypto Anachoreta moritur, ossaque eius Lugdunum referuntur, ossaque Viatoris ministri eius. Martinus Turonorum episcopus miraculorum gloria insignis effulsit.

Didio Pharamundi filius Rex Francorum secundus. Abhinc Franci crinitos Reges habere cœperunt. Eodem tempore Romani Gallias tenebant, citra Ligerim fluuium Gothi.

Clodio post Didionem Rex Francorum tertius. Hic de Thoringiorum finibus egressus Rhenum transiit, victoque Romano exercitu Carbonariam siluam tenuit, ibique sibi sedem statuit.

Meroueus post Clodionem Rex Francorum quartus. Metis à Francis succensa. Franci vsque Aurelianos peruenerunt.

Childericus post Merouicum quintus regnauit annis xxiiii.